

Неделя 6 по Пасхе, о слепом. Глас 5.

На Господи, воззвах:

Стихиры воскресные, глас 5:

1. Стих: Изведи из темницы душу мою, // исповедатися имени Твоему.

Честным Твоим Крестом, Христе, / диавола посрамил еси, / и Воскресением Твоим жало греховное притупил еси, / и спасл еси ны от врат смертных: // славим Тя, Единородне.

2. Стих: Мене ждут праведницы, // дондеже воздаси мне.

Воскресение давай роду человеческому, / яко овча на заклание ведется, / устращишася сего князи адстии, / и възшася врата плачевная. / Вниде бо Царь славы Христос, / глаголя сущим во узах, изыдите: // и сущим во тьме, открийтеся.

3. Стих: Из глубины воззвах к Тебе, Господи, // Господи, услыши глас мой.

Велие чудо, / невидимых Содетель, за человеколюбие плотию пострадав, / воскресе Безсмертный. / Приидите отечествия язык, Тому поклонимся: / благоутробием бо Его от прелести избавльшеся, // в Трех Ипостасех Единого Бога пети навыкохом.

4. Стих: Да будут уши Твои // внимлюще гласу моления моего.

Вечернее поклонение / приносим Тебе, Невечернему Свету, / на конец веков, яко в зеркале плотию возсиявшему миру, / и даже до ада низшедшему, / и тамо сущую тьму разрушившему, / и свет Воскресения языком показавшему: // Светодавче Господи, слава Тебе.

5. Стих: Аще беззакония назириши, Господи, Господи, кто постоит? // Яко у Тебе очищение есть.

Начальника спасения нашего, / Христа славословим: / Тому бо из мертвых воскресшу, / мир от прелести спасен бысть. / Радуется лик Ангельский, / бегает демонов прелесть, / Адам падый воста, // диавол упразднися.

6. Стих: Имене ради Твоего потерпех Тя, Господи, потерпе душа моя в слово Твое, // упова душа моя на Господа.

Иже от кустодии научени бываху от беззаконник, / покрывте Христово Восстание, / и примите сребреники, и рцыте / яко нам спящим, из гроба украден бысть Мертвый. / Кто виде, кто слыша, мертвеца украдена когда, / паче же помазана и нага, / оставльша и во гробе погребальная Своя? / Не прельщайтесь иудее, / навыкните речением пророческим, и уразумейте, // яко Той есть воистинну Избавитель мира, и Всесильный.

7. Стих: От стражи утренния до нощи, от стражи утренния, // да уповае Израиль на Господа.

Господи, ад пленивый, / и смерть поправый, Спасе наш, / просветивый мир Крестом честным, // помилуй нас.

Стихиры Триоди (о слепом), глас 2:

8. Стих: Яко у Господа милость, и многое у Него избавление, // и Той избавит Израиля от всех беззаконий его.

9. Стих: Хвалите Господа вси языцы, // похвалите Его вси людие.

Слепый родивыйся, / в своем помысле глаголаше: / еда аз грех ради родительных родихся без очию, / еда аз за неверие языков родихся во обличение? / Не домышляюся вопрошати, / когда ношь, когда день? / Не терпите ми нозе каменнаго претыкания, / не видех бо солнца сияюща, / ниже во образе мене Создавшаго. / Но молю Ти ся Христе Боже, // призри на мя и помилуй мя.

Дважды.

10. Стих: Яко утвердися милость Его на нас, // и истина Господня пребывает во век.

Мимоходя Иисус от святилища, / обрете человека слепа от рождения, / и умилосердився положи брение на очию его, / и рече к нему: / иди умыйся в Силоаме, / и умывся прозре, славу возсылая Богу. / Соседи же его глаголаху ему: / кто твои зеницы отверзе, / ихже никтоже от зрящих исцелити возможно? / Он же возопив, рече: / Человек Иисус глаголемый, / Он ми рече, умыйся в Силоаме, и прозрех. / Той есть воистинну, / Егоже рече Моисей в законе, Христа Мессию: // Той есть Спас душ наших.

Слава: глас 5:

Господи, мимоходя путём, / обрел еси человека слепа от рождения, / и удивлени бывше ученицы, / вопрошаху Тя глаголюще: / Учителю, кто согреши: / сей ли, или родители его, да слеп родися? / Ты же Спасе мой возопил еси к ним: / ни сей согреши, ни родители его, / но да явятся дела Божия на нем. / Мне подобает делати дела Пославшаго Мя, / яже никтоже может делати. / И сия рек, плюнув долу, и брение сотвори, / помазал еси очи его, рек к нему: / иди, умыйся в Силоамстей купели. / Он же умывся здрав бысть, и вопиаше к Тебе: / верую Господи, и поклонися Тебе. // Темже вопием и мы, помилуй нас.

И ныне: глас 5:

В Чермнѣм мѣри,/ Неискусобрачныя Невесты образ написа́ся иногд́а:/ та́мо Моисей, разделитель воды:/ зде́ же Гавриил, служитель чудесé./ Тогда́ глубину шествова немокренно Изра́иль;/ ны́не же Христа роди безсеменно Де́ва./ Мо́ре по прошествии Израилеве пребысть непроходно;/ Непорочная по Рождестве Эммануилеве пребысть Нетлѣнна./ Сый, и прѣжде Сый,/ явлѣйся, я́ко Человек, // Бо́-о-же помилуй нас.

Прокимен воскресный:**На Литии:****Стихира храма, затем:****Слава: стихи́ра Трои́ди (о слепом), глас 4:**

Все житие слепый но́щь помышляя,/ возопи к Тебе:/ Господи, отверзи ми зеницы,/ Сыне Давидов Спасе наш, // да со всеми и аз воспую Твою силу.

И ныне: Богородичен воскресный, глас 4:

Призри на моления Твоих раб, Всенепорочная,/ утоляющи лю́тая на ны востания,/ всякия скорби нас изменяющи:/ Тя бо еди́ну, твердое и известное утверждение има́мы,/ и Твое предстательство стяжа́хом./ Да не постыдимся, Владычице, Тя призыва́ющии./ Потщися на умоление, Тебе верно вопиющих:/ радуйся, Владычице, всех помощи́, / радости и покрове, // и спасение душ наших.

На Стиховне:**Стихи́ра воскресная, глас 5:**

Тебе, Воплощеннаго Спа́са Христа́,/ и Небес неразлучи́вша́ся,/ во гла́сех пений велича́ем,/ я́ко Крест и смерть приял еси́ за ро́д на́ш,/ я́ко Человеколюбец Госпо́дь,/ испровергий а́дова врата́,/ триднѣвно воскрѣсл еси́, // спаса́я души на́ша.

Стихи́ры Пасхи, глас 5.**Слава: стихи́ра Трои́ди (о слепом), глас 8.**

Правды солнце мысленное, Христе Бо́же,/ из утробы света ли́шеннаго,/ Твоим пречистым прикосновением просветившее обоюду,/ и наши очи душевныя озарившее,/ сыны дне покажи,/ да верою вопием Ти:/ многое Твое и неизреченное, еже на нас благоутробие, // Человеколюбче, слава Тебе.

И ныне: Воскресения день:

Богородице Дево: **Трижды.**

Псалом 33:

Благословлю Господа на всякое время,/ выну хвала Его во устех моих./ **О** Господе похвалится душа моя,/ да услышат кротцыи, и возвеселятся./ **В**озвеличите Господа со мною,/ и вознесем Имя Его вкупе./ **В**зысках Господа, и услыша мя,/ и от всех скорбей моих избави мя./ **П**риступите к Нему, и просветитесь,/ и лица ваша не постыдятся./ **С**ей нищий воззва, и Господь услыша и,/ и от всех скорбей его спасе и./ **О**полчится ангел Господень окрест боящихся Его,/ и избавит их./ **В**кусите и видите, яко благ Господь:/ блажен муж, иже уповает на Нь./ **Б**ойтесь Господа, вси святии Его,/ яко несть лишения боящимся Его./ **Б**огатии обнищаша и взалкаша:/ взыскающии же Господа// не лишатся всякаго блага.

На Бог Господь:

Тропарь воскресный, глас 5:

Собезначальное Слово Отцу и Духови,/ от Девы рождшееся на Спасение наше,/ воспойм, вернии, и поклонимся;/ яко благоволи Плотию взыти на Крест,/ и смерть претерпети,/ и воскресити умершия// славным воскресением Своим. **Дважды.**

Слава и ныне: Богородичен воскресный, глас 5:

Радуйся, Двере Господня непроходима:/ радуйся, Стено и Покрове притекающих к Тебе./ Радуйся, Необуреваемое Пристанище, и Неискусобрачная,/ Родшая плотию Творца Твоего и Бога:/ молящи не оскудевай о воспевающих,// и кланяющихся Рождеству Твоему.

Полиелей:

Тропари воскресные, глас 5:

Благословен еси, Господи,/ научи мя оправданием Твоим./ Ангельский собор удивися,/ зря Тебе в мертвых вменившася,/ смертную же, Спасе, крепость разориша,/ и с Собою Адама воздвигша,// и от ада вся свободша.

Благословен еси, Господи,/ научи мя оправданием Твоим./ Почто мира с милостивными слезами,/ о ученицы растворяете?/ Блистаясь во гробе ангел/ мироносицам вещаше:/ видите вы гроб и уразумейте,// Спас бо воскресе от гроба.

Благословен еси, Господи,/ научи мя оправданием Твоим./ Зело рано мироносицы течаху/ ко гробу Твоему рыдающия,/ но предста к ним ангел, и рече:/ рыдания время преста, не плачите,// воскресение же апостолом рцыте.

Благословен еси, Господи,/ научи мя оправданием Твоим./ Мироносицы жены, с миры пришедша/ ко гробу Твоему, Спасе, рыдаху,/ ангел же к ним рече,

глаголя:/ что с мертвыми Живаго помышляете?// Яко Бог бо воскресе от гроба.

Слава Отцу и Сыну и Святому Духу./ Поклонимся Отцу,/ и Его Сынови, и Святому Духу,/ Святей Троице во едином существе, с Серафимы зовуще:/ Свят, Свят, Свят еси, Господи.

И ныне и присно и во веки веков. Аминь./ Жизнодавца рождши,/ греха, Дево, Адама избавила еси,/ радость же Еве в печали место подала еси;/ падшия же от жизни/ к сей направи,// из Тебе воплотивыйся Бог и Человек.

Аллилуиа, аллилуиа, аллилуиа,// слава Тебе, Боже. **Трижды.**

Степенна, глас 5:

Прокимен, глас 5: Воскресни, Господи Боже мой, да вознесется рука Твоя,/ яко Ты царствуеши во веки.

Канон Пасхи, глас 1:

Песнь 1:

Воскресения день,/ просветимся, людие./ Пасха, Господня Пасха:/ от смерти бо к жизни,/ и от земли к небеси,/ Христос Бог нас преведе,// победную поюция.

Христос воскресе из мертвых. Очистим чувства, и узрим/ неприступным светом/ Воскресения, Христа/ блистающая,/ и радуйтесь, рекуща,/ ясно да услышим,// победную поюще.

Христос воскресе из мертвых. Небеса убо достойно да веселятся,/ земля же да радуется,/ да празднует же мир,/ видимый же весь и невидимый:/ Христос бо востал,// веселие вечное.

Пресвятая Богородице, спаси нас. Умерщвления предел сломила еси,/ вечную жизнь рождающая Христа,/ из гроба возсиявшего днесь,/ Дево Всенепорочная,// и мир просветившаго.

Пресвятая Богородице, спаси нас. Воскрешаго видевши Сына Твоего и Бога,/ радуйся со апостолы Богоблагодатная Чистая:/ и еже радуйся первее,/ яко всех радости вина, восприяла еси,// Богомати Всенепорочная.

Катавасия Вознесения, глас 5: Спасителю Богу,/ в мори люди немокрыми ногами наставльшему,/ и фараона со всевоинством потопльшему,/ Тому единому поим,// яко прославися.

Песнь 3:

Приидите, пиво пием новое,/ не от камене неплодна чудодеемое,/ но нетления источник/ из гроба одождивша Христа,// в Немже утверждаемся.

Христос воскрес из мёртвых. Ныне вся исполнишася свѣта,/ небо же и земля, и преисподняя:/ да празднует убо вся тварь/ востание Христово,// в нем же утверждается.

Христос воскрес из мёртвых. Вчера спогребохся Тебѣ Христѣ,/ совостаю днесь/ воскрѣсшу Тебѣ,/ сраспинахся Тебѣ вчера,// Сам мя спрослави Спасе во Царствии Твоём.

Пресвятая Богородице, спаси нас. На нетленную жизнь прихожду днесь/ благостию рождшагося из Тебе, Чистая,// и всем концем свет облиставшаго.

Пресвятая Богородице, спаси нас. Бога, Егоже родила еси плотию,/ из мертвых, якоже рече,/ воставша видевши, Чистая, ликуй,// и Сего яко Бога Пречистая возвеличай.

Катавасия: Силою Креста Твоего, Христе,/ утверди мое помышление,/ во еже пети и славити// спасительное Твое Вознесение.

Кондак Пасхи, глас 8:

Аще и во гроб снишел еси, Безсмертне,/ но адову разрушил еси силу,/ и воскресл еси, яко победитель, Христе Боже,/ женам мирносицам вещавый: радуйтесь,/ и Твоим апостолом мир даруй,// падшим подай воскресение.

Песнь 4:

На Божественней стражи/ богоглаголивый Аввакум/ да станет с нами, и покажет/ светоносна Ангела,/ ясно глаголюща:/ днесь спасение миру,/ яко воскресе Христос,// яко всесильен.

Христос воскрес из мёртвых. Мужеский убо пол,/ яко разверзый девственную утробу,/ явился Христос:/ яко человек же,/ Агнец наречется:/ непорочен же,/ яко невкусен скверны,/ наша Пасха,/ и яко Бог истинен// совершен речется.

Христос воскрес из мёртвых. Яко единоклетный агнец,/ благословенный нам венец Христос,/ волею за всех заклан бысть,/ Пасха очистительная,/ и паки из гроба красное// правды нам возсия Солнце.

Пресвятая Богородице, спаси нас. Создавший Адама, Твоего праотца, Чистая,/ зиждется от Тебѣ,/ и смертное жилище разори Своею смертию днесь,/ и озари вся// божественными блистаньями воскресения.

Пресвятая Богородице, спаси нас. Егоже родила еси Христа,/ прекрасно из мертвых возсиявша, Чистая, зрящи,/ добрая и непорочная в женах и красная,/ днесь во спасение всех,// со апостолы радующися, Того прославляй.

Катавасия: Услышах слух силы Креста,/ яко рай отверзся им,/ и возопих:// слава силе Твоей Господи.

Песнь 5:

Утренюем утреннюю глубокú,/ и вместо мира песнь принесем Владыце,/ и Христа́ узрим/ правды Сólнце,// всем жизнь возсияюща.

Христос воскресе из мёртвых. Безмерное Твое благоутроби́е,/ адовыми узами содержимии зряще,/ к свету идя́ху, Христé,/ веселыми нога́ми,// Пасху хваляще вéчную.

Христос воскресе из мёртвых. Приступим священоснии,/ исходящу Христу из гроба, я́ко женихú,/ и спразднуем любопразднственными чини́ми// Пасху Божию спасительную.

Пресвятая Богородице, спаси́ нас. Просвещается божественными лучами и живно́сными/ воскресения Сы́на Твоего,/ Богомати Пречистая,// и радости исполняется благочестивых собра́ние.

Пресвятая Богородице, спаси́ нас. Не разверзл еси врата девства в воплоще́нии,/ гроба не разрушил еси печатей, Царю создáния:// отонудуже воскресшаго Тя зрящи, Мати, ра́довашеся.

Катавасия: Утренююще вопием Ти/ Господи, спаси ны:// Ты бо еси Бог наш,// разве бо Тебе иного не знаем.

Песнь 6:

Снизшел еси в преисподняя земли́,/ и сокрушил еси верей вéчныя,/ содержащая связанныя, Христé,/ и тридневен, яко от кита Иóна,// воскресл еси от грóба.

Христос воскресе из мёртвых. Сохранив цела зна́мения Христé,/ воскресл еси от грóба,/ ключи Девы не вредивый в рождестве́ Твоём,// и отверзл еси нам райския двéри.

Христос воскресе из мёртвых. Спа́се мо́й,/ живое же и нежертвенное заколе́ние,/ яко Бóг Сам Себé/ волею привёл Отцú,/ совоскресил еси всероднаго Ада́ма,// воскрес от грóба.

Пресвятая Богородице, спаси́ нас. Возведеша древле держимое смертью и тлени́ем,/ воплотившимся от Твоего пречистаго чре́ва,/ к нетленней и присносущней жи́зни,// Богородице Дéво.

Пресвятая Богородице, спаси́ нас. Сниде в преисподняя земли́,/ в ложесна Твоя, Чистая, сше́дый,/ и вселивыйся и воплотивыйся па́че ума́,/ и воздвиже с Собою Ада́ма,// воскрес от грóба.

Катавасия: Обыде мя бездна,/ гроб мне кит бысть,/ аз же возопих к Тебе,
Человеколюбцу, // и спасе мя десница Твоя, Господи.

Кондак Триоди (о слепом), глас 4:

Душевныма очима ослеплен,/ к Тебе, Христе, прихожду,/ якоже слепый от
рождения,/ покаянием зову Ти:// Ты сущих во тьме Свет пресветлый.

Песнь 7:

Отроки от пещи избавивый,/ быв Человек,/ страждет яко смертен,/ и
страстию смертное,/ в нетления облачит благолепие,/ Един благословен // от-
цев Бог, и препрославлен.

Христос воскрес из мертвых. Жены с мiры богомудрыя в след Тебе течаху:/
Егоже, яко мертва, со слезами искаху,/ поклонишася радующияся Живо́му
Бо́гу,/ и Пасху тайную // Твоим, Христе, учеником благовестиша.

Христос воскрес из мертвых. Смерти празднуем умерщвление,/ адово раз-
рушение,/ иного жития вечного начало,/ и играюще поем Вино́внаго,/
Единаго благословеннаго // отцев Бо́га, и препрославленнаго.

Христос воскрес из мертвых. Яко воистинну священная,/ и все-
празднственная сия спасительная ночь,/ и светозарная,/ светоноснаго дне,/
востания сущи провозвестница:/ в нейже безлётный Свет // из гроба плóтски
всём возсия.

Пресвятая Богородице, спаси нас. Умертвив Сын Твой смерть,/ Всенепо-
рочная, днесь,/ всем смертным пребывающий живот/ во веки веков дарова,/
един благословенный // отцев Бог и препрославленный.

Пресвятая Богородице, спаси нас. Всем царствуяй созданием, быв человек,/
вселися в Твою, Богоблагодатная, утробу,/ и распятие претерпев и смерть,/
воскресе боголепно, // совозставив нас яко всесiлен.

Катавасия: В пещи огненной/ песнословцы спасый отроки, // благословен Бог
отец наших.

Песнь 8:

Сей нареченный и святыи день,/ Един суббот Царь и Господь,/ праздников
праздник/ и торжество есть торжество, // вонже благословим Христа во веки.

Христос воскрес из мертвых. Приидите, новаго винограда рождения,/ Бо-
жественнаго веселия,/ в нарочитом дни Воскресения,/ Царствия Христова
приобщимся,/ поюще Его, // яко Бога, во веки.

Христос воскрес из мёртвых. Возведи окрест очи твои, Сионе, и виждь:/ се бо приидоша к тебе,/ яко богосветлая светила,/ от запада, и севера, и моря,/ и востока чада твоя,// в тебе благословящая Христа во веки.

Пресвятая Богородице, спаси нас. Прииде Тобою в мир Господь,/ Дево Богородице,/ и чрево адово расторг,/ смертным нам воскресение дарова:// Темже благословим Его во веки.

Пресвятая Богородице, спаси нас. Всю низложив смерти державу Сын Твой, Дево,/ Своим воскресением,/ яко Бог крепкий совознесе нас и обожит:// темже воспеваем Его во веки.

Хвалим, благословим, поклоняемся Господеви, поюще и превозносяще во вся веки.

Катавасия: Из Отца прежде век рожденного Сына и Бога,/ и в последняя лета воплощенного от Девы Матере,/ священницы пойте,// людие превозносите во вся веки.

Песнь 9:

Светися, светися, / новый Иерусалиме:/ слава бо Господня / на тебе возсия./ Ликуй ныне / и веселися, Сионе./ Ты же, Чистая, красуйся, Богородице, // о востании Рождества Твоего.

Христос воскрес из мёртвых. О Божественного, о любезного, / о сладчайшего Твоего гласа! / С нами бо неложно обещался еси быти, / до скончания века, Христэ:/ Егоже, вернии, // утверждение надежды имуще, радуемся.

Христос воскрес из мёртвых. О Пасха велия и священнейшая, Христэ! / О мудросте, и Слове Божий, и сіло! / Подавай нам истее Тебе причащатися, // в невечернем дни Царствия Твоего.

Пресвятая Богородице, спаси нас. Согласно, Дево, Тебе блажим вернии:/ радуйся, дворе Господня:/ радуйся, граде одушевленный:/ радуйся, Еяже ради нам ныне возсия свет, // из Тебе Рожденного из мертвых Воскресения.

Пресвятая Богородице, спаси нас. Веселися и радуйся божественная дворе Света:/ зашедый бо Иисус во гроб возсия, / просияв солнца светлее, / и верныя вся озарив, // Богорадованная Владычице.

Катавасия: Тя паче ума и словесе Матерь Божию, / в лето Безлетного неизреченно рождшую, // вернии единомудренно величаем.

Свят Господь Бог наш.

Светилен Пасхи:

Плотию уснув,/ яко мертв,/ Царю и Господи,/ тридневен воскресл еси,/ Адама воздвиг от тли,/ и упразднив смерть:/ Пасха нетления,// мира спасение.

На Хвалитех:

Стихиры воскресные, глас 5:

1. Стих: Сотворити в них суд написан:/ слава сия будет всем преподобным Его.

Господи, запечатану гробу от беззаконников,/ прошел еси из гроба, якоже родился еси от Богородицы:/ не уразумеша, како воплотился еси, безплотнии Твои ангели:/ не чувствовала, когда воскресл еси, стрегущии Тя воины./ Обою бо запечатлестася испытующим,/ явися же чудеса кланяющимся верою таинству:/ еже воспевающим,// воздаждь нам радость и велию милость.

2. Стих: Хвалите Бога во святых Его,/ хвалите Его в утверждении силы Его.

Господи, верей вечныя сокрушив,/ и узы растерзав,/ от гроба воскресл еси,/ оставль Твоя погребальная,/ во свидетельство истиннаго тридневнаго Твоего погребения:/ и предварил еси в Галилеи, в пещере стрегомый./ Велия Твоя милость, Непостижимо Спасе,// помилуй и спаси нас.

3. Стих: Хвалите Его на силах Его,/ хвалите Его по множеству величества Его.

Господи, жены текоша на гроб,/ видети Тя, Христа, нас ради пострадавшего,/ и пришедша, обретоша ангела на камени сидяща,/ страхом отвальшемся,/ и к ним возопи, глаголя:/ воскресе Господь, рцыте учеником,/ яко воскресе от мертвых,// спасаяй души наша.

4. Стих: Хвалите Его во гласе трубнем,/ хвалите Его во псалтири и гуслех.

Господи, якоже изшел еси от запечатаннаго гроба,/ тако вшел еси и дверем заключенным ко учеником Твоим,/ показуя им телесная страдания,/ яже подъял еси, Спасе Долготерпеливый:/ яко от семени Давидова язвы претерпел еси,/ яко Сын же Божий, мир свободил еси./ Велия Твоя милость, Непостижимо Спасе,// помилуй и спаси нас.

5. Стих: Хвалите Его в тимпане и лице,/ хвалите Его во струнах и органе.

Господи, Царю веков и Творче всех,/ нас ради распятие и погребение плотию приимый,/ да нас от ада свободиши всех:/ Ты еси Бог наш,// разве Тебе иного не вемы.

6. Стих: Хвалите Его в кимвалех доброгласных, хвалите Его в кимвалех восклицания./ Всякое дыхание да хвалит Господа.

Господи, пресияющая Твоя чудеса кто исповесть;/ или кто возвестит страшная Твоя таинства?/ Вочеловечивыйся бо нас ради, яко Сам восхотел еси,/ державу явил еси силы Твоея:/ Крестом бо Твоим разбойнику рай отверзл еси,/ и погребением Твоим вереи адовы сокрушил еси,/ Воскресением же Твоим всяческая обогатил еси:// Благоутробне Господи, слава Тебе.

7. Стих: Воскресни Господи Боже мой, да вознесется рука Твоя,/ не забуди убогих Твоих до конца.

Мироносицы жены гроба Твоего достигша,/ зело рано искаху Тебе миры помазати,/ Безсмертнаго Слова и Бога;/ и ангела глаголы огласившася,/ возвращахуся радостью апостолом возвестити яве,/ яко воскресл еси, Животе всех,// и подал еси миру очищение и велию милость.

Стихира Триоди (о слепом), глас 8:

8. Стих: Призри на мя,/ и помилуй мя.

За милосердие милости воплотивыйся, Христе Боже,/ света лишеннаго от утробы,/ милосердием неизреченных щедрот,/ сияния Божественнаго сподобил еси,/ сего зеницам перстию/ создательными персты Твоими прикоснувшийся:/ Сам и ныне, Светодателю,/ и наша озари душевная чувства,// яко един независтнодатель.

Слава: Стихира Триоди (о слепом), глас 8:

Кто возглаголет силы Твоя, Христе;/ или кто изочтет чудес Твоих множества?/ Сугуб бо яко виден был еси на земли за благодать,/ сугубы и цельбы недугующим подавал еси:/ не точию бо телесныя очи отверзл еси,/ иже от утробы слепому,/ но и душевныя./ Темже Бога Тя исповедаше таящагося,// и всем подающа велию милость.

И ныне: Препоблагословенна еси, Богородице Дево:

Тропарь воскресный, глас 1:

Днесь Спасение миру бысть,/ поем Воскресшему из гроба,/ и Начальнику жизни нашея:/ разрушив бо смертию смерть,// победу даде нам и велию милость.

Слава и ныне, стихира евангельская, глас 8:

Мариины слезы не всуе проливаются тепле,/ се бо сподобися и учащих Ангелов,/ и видения Самого Иисуса./ Но еще земная мудрствует, яко жена немощная:/ темже и отсылается не прикасаться Христу./ Но обаче проповедница посылается Твоим учеником,/ имже благовествование носящи,/ еже ко Отеческому жребию восход возвещающи.// С неюже сподоби и нас явления Твоего, Владыко Господи.

На литургии:

По входе: Тропарь воскресный, глас 5:

Собезнача́льное Слово Отцу и Ду́хови,/ от Девы рождшееся на Спасение наше,/ воспойм, вернии, и поклонимся;/ я́ко благоволи Плотию взы́ти на Крест,/ и смерть претерпе́ти,/ и воскресити умершия// славным воскресением Свои́м.

Слава: кондак Триоди (о слепом), глас 4:

Душевныма очима ослеплён,/ к Тебе́, Христé, прихожду́,/ якоже слепый от рождéния,/ покая́нием зову́ Ти:// Ты сущих во тьме Свет пресвётлый.

И ныне: кондак Пасхи, глас 8:

Аще и во гроб снишел еси, Безсмёртне,/ но адову разрушил еси си́лу,/ и воскресл еси, яко победитель, Христе Бо́же,/ женам мирносицам вещавый: ра́дуйтесь,/ и Твоим апостолом мир да́руй,// падшим подай воскресéние.

Прокимен Триоди (о слепом), глас 8: Помолитесь и воздадите/ Господеви Богу нашему.

Задостойник Пасхи:

Причастны:

Пасхи: Тело Христово примите, источника бессмертного вкусите.

Воскресный: Хвалите Господа с небес, хвалите Его в вышних.

После Причастия:

Иерей: Спаси Боже люди Твоя, и благослови достояние Твое.

Хор: Христос воскресе из мертвых,/ смертию смерть поправ// и сущим во гробех живот даровав. (Единожды, протяжно)

Иерей: Всегда ныне и присно, и во веки веков. **Хор:** Аминь. Да исполнятся уста наша: **Далее как обычно до возгласа:**

Иерей: Слава Тебе, Христе Боже, Упование наше, Слава Тебе.

Хор: Христос воскресе из мертвых,/ смертию смерть поправ// и сущим во гробех живот даровав. (Трижды)

Отпуст. Хор: Христос воскресе из мертвых,/ смертию смерть поправ// и сущим во гробех живот даровав. (Трижды, поскорю)

И нам дарова живот вечный, поклоняемся Его тридневному Воскресению.